

Sa Ki Etranj Lan

(oswa Moun Dwòl Lan???)

64-0614E

Branham Tabènak, Jeffersonville, Indiana, Etazini

Frè Joe (Vwa) 1-38

1 Annou rete kanpe jis yon moman. Presye Seyè, nou vini nan Prezans Divin Ou ankò pa mwayen lapriyè; dabò, pou bay remèsiman pou tout sa W te fè pou nou, e pou gwo lanmou nan kè nou pou Ou e pou Pawòl ou. Seyè, moun sa yo, aswè a, ke m renmen ak tout kè m, yo te fè sakrifis pou vin chita nan yon pyès byen cho ak kisa ankò, poutèt yo renmen Pawòl Ou.

2 E nou vini pou priye pou malad, aswè a, Seyè, ak pou sa yo ki nan bezwen. Ke pa gen yon sèl moun fèb nan mitan nou alafen sèvis sa. Rekonpanse yo pou fidelite yo, Seyè. Pale avèk nou atravè Pawòl Ou, e fòtifye nou, Seyè, pandan n prale, ap pote repwòch la. Ala yon

privilèj pou fè sa! Nou mande I lan Non Jezi. Amèn. Ou mèt chita.

3 M paka jwenn mo, natirèlman, pou eksprime rekonesans mwen bay yon gwoup moun tankou sa, ki te vini pou chita nan biling sa. M vle di, ke demen...Ou pito, nou va ale Topeka, Kansas, pou pwochen reyinyon an, e sa va fèt fen Dimanch k ap swiv la. E apre sa nou va ale, de la, pou Filadèlfia.

Epi, kounye a, nou sipoze pati ale a letranje, o Kenya, epi Tanzani, Ouganda, nan--nan tribi yo laba. E yo gen yon ti soulèvman kounye a avèk Mau Maus. M paka antre antan ke misyonè, men m pral eseye antre antan ke chasè. Antre, epi yo va fikse rès la.

4 Abityèlman, m konn ale kòm misyonè epi al lachas, fwa sa m prale kòm chasè epi kòm misyonè. Konsa, la--la, kout ke kout pou antre anndan la pou avèk yo. E Frè Mattsson-Boze va kontinye rès travay la, pou ap eseye fè m antre, ap aranje yon safari ke m ap vini pou al lachas. Ebyen, apre sa, m ap antre parapò a safari sa, alò li va di, "Frè Branham nou an nan peyi a." Li va desann nan anbasad la, "Èske se kòrèk si nou jis ta gen

yon ti reyinyon laba?" Ou wè? Se sa ki pral demare I lè sa, epi jis kenbe I ap kontinye. Kifè nou pa konnen si sa posib, pou n kapab fè sa, ou pa. N ap eseye. E m te mande Seyè a, si yon bagay rive kòm kwa sa pa kapab, alò se va yon siy pou mwen ke m dwe retounen isi a Jeffersonville pou preche Sèt Twonpèt yo, bò Jiyè oswa Out, kèkpa lè sa.

5 E apre sa, si nou reyisi, n ap gade jodi a, nou pral eseye jwenn sal lekòl sa la ki gen è kondisyone, paske sa t ap vrèman byen epi nan frechè. Ou ka mete mil senksan a mil uisan moun chita. Epi li gen è kondisyone, yon plas tou nèf, jis apeprè senk fwa pi gwo ke sa. Yon fwa nou te mande lwe l, e yo pat vle kite nou jwenn li. E nonm ki pat vle nou genyen I lan yo te mete I deyò nan komite a. Kifè kounye a, nonm ki ranplase I la di nou ka genyen I nenpòt lè nou vle l. Konsa nou--nou trè kontan genyen l. E konsa nou kapab genyen I kounye a, e pafwa an Jiyè epi gen...Konbyen moun ki pral priye, si se volonte Seyè a kounye a, si yon bagay pa mache?
[Kongregasyon an di, "Amèn."—Editè a.]

6 Ou konnen, m renmen Arizona. Se yon peyi mèveye. M te toujou dezire viv la.

Si w ta pouse sa on tikras, Frè Ben, si w vle, si se...O, sa...Wi, mesye. Wi. Oswa, kèlkeswa moun ki sou sa, ke l pati li jis on tikras, paske mwen ap retounen soti nan reyèl sa...[Yon moun di, “Band yo. frè yo.”—Editè a.] Kisa l di? [“Se sèlman band yo.”] O, jis band yo. O, men lòt la anwo a la. Ekskize m. Dakò, Frè Ben. Kifè m...

7 Pandan m ap retounenn sot Arizona, pou vin isi a, sa te fè m jis on tijan anwe, poutèt chanjman klima a. Isit la li fè apeprè katreven sèt a katreven dis, e pafwa san pou san, imidite. E laba li atenn zero, alò pafwa, an mwayèn, on ventyèm de on pou san imidite. Ou jis tankou ap viv anba on rezèvwa oksijèn. Epi ou sot anba sa, pou vin isi a, ou konn ki kantite diferans sa fè nan ou. Kifè sa deranje efektivman nan vwa w, ak bagay konsa.

Pou ap eseye tire pou mete l kote l te ye a, si w vle, Frè Ben. M te fè yon erè ap eseye tire l monte. M panse se te sa, men anwo a se la sa te demare.

8 Kounye a priye pou nou, nou chak. M apresye nou vrèman. Billy t ap di m konsènan yon moun ki te pote yon panye pèch pou nou, e jis ti kado ke nou...M jis

paka remèsyé nou ase. Mwen--mwen pa konnen kijan pou m fè l. E m--m santi m sitèlman pa diy pou m resevwa bagay konsa nan men nou. M priye Bondye pou beni nou, epi m konnen L ap fè l, paske L te di: “Chak fwa nou fè sa pou youn nan pi piti sa yo, se pou Mwen nou fè l.” Epi Bondye ap beni nou, m sèten.

9 E Arizona ki se yon peyi sitèlman bél, gen yon sèl bagay ke m sonje, se, nou tout. Se vre. Mwen sonje nou tout. Mwen--mwen pa bezwen konnen ki kote m va ale, mwen--mwen...se pa, se pa nou menm. M gen zanmi, tout kote nan mond lan, men se--se pa--se pa tankou nou tout. Gen yon bagay apwopo ti gwoup sa ki senpleman...M pa konnen. M panse a yo.

10 E Tucson, se yon vil pou touris, ou konnen, e legliz yo ap tire rale, ou konnen. Sa on jan difisil. Se pa trè espirityèl; epi, poutèt gen konpetisyon, sa trè fò; e sa rann bagay la difisil. Si m te kapab gen nou tout nèt, plis legliz la, epi viv laba, m kwè sa t ap kòrèk. Ou wè? Men m sipoze, osi lontan ke sa rete yon legliz, e nou tout ap kontinye vini, m ap toujou la, jiskaske Jezi vini.

11 Kifè priye pou mwen, jan m te di sa fè yon ti moman. Se pa ke m vle repete sa, men lè m devan w, m--m pa posede m, e m vin melankolik, ak santimantal, epi emosyonèl, tou. Se konsa m ye, pou kòmanse, kifè mwen...sa rann mwen tou boulvèse pa anndan. Men pou w ka konnen ke pe enpòt ki kote m ka ale...Mwen pa gen yon--yon gwoup sou latè, ke m konnen, ki rete avè m tankou gwoup sa. Ke--ke Bondye rann nou tèlman enseparab, ke, nan Wayòm k ap vini an, ke nou kapab la ansanm; se priyè mwen.

12 Pandan m te nan pòtay la, ap pale ak Bill Dauch sa fè jis on moman anvan m t ap fè yon moun retounen jwenn Kris, ankò, nan lòt pyès la. Men pandan m te la ap pale avè l, a katreven onzan, li te di, "Mwen--mwen ap vin fèb. Jye m yo pa jan yo te dwe ye."

E m te panse, kèk lane de sa, m t al bò kote l kan li te gen yon gwo defayans kadyak ak kè l bloke, li t ap mouri. E menm doktè ki t ap pran swen l lan, ki te di li patap ka geri, doktè a mouri. E men Bill Dauch chita la, ou wè, katreven onzan. M te di, "Bill, ou pa itil ankò sou tè a pou zafè travay ak bagay konsa. Men men sa m ap mande, 'Ke Bondye ba w fòs,' paske ou si tèlman

renmen reyinyon yo.” Nonm katreven onzan sa ap travèse peyi a nan machin, chalè, sechrès, fredi, endiferans, kèlkeswa sa l ye a, pou tande Pawòl la. Ke Bondye beni nanm brav sa. Bon m pa gen...

13 M ap mande yon dènye ekskiz, poutèt m te kenbe nou jan m te fè l maten an, pandan twazè d tan. E m pat rann mesaj la jistis, paske m te koupe l, pou kite yon pati ladann, epi m te eskive yon pati ladann, ak bagay konsa. Se poutèt rezon sa m te di yo kenbe band lan. Kite m refè l ankò yon kote ki va fre oswa yon bagay konsa. E mwen--mwen--mwen ka santi Lespri, men m ap gade nou e m konsyan ke w ap fè van sikile poutèt ou cho, e--e sa jis mete m an myèt moso. M pa vle nou soufri; m--m vle nou konfòtab. Ou wè? E sa boulvèse m.

14 Tankou, m wè moun malad; si m paka--si m paka epwouve santiman pou moun malad sa yo, m paka itil yo anyen. M--m dwe epwouve santiman pou yo. E menm bagay la avèk--avèk nou; mwen--mwen dwe epwouve santiman pou ou, sinon m paka frè w. Ou wè? M--m dwe epwouve santiman pou ou. E, mwen fè sa; Bondye konnen ke se vre.

15 E kounye a, aswè a, m va priye pou malad.

E m vle...nonm sa, pou beni moun sa yo, Frè Collins, Frè Hickerson, Frè Neville, Frè Kapps, administratè yo, ak yo tout, pou bon rapò ki te vini, kouman nou te plase legliz la annòd, e kouman tout bagay ap pran plas kòrèk yo. M gen rekonenans pou nou mesye yo. Ke Seyè a beni nou poutèt n ap eseye aplike lòd. E lèt apre lèt te rive Tucson, pou di m, "Frè Branham, se pa tankou li te konn ye. Se tèlman diferan, se yon tèl sansasyon beni ak Prezans Bondye." E mwen--mwen gen rekonesans pou sa. Ke Seyè a beni nou a jamè!

16 Alò, kounye a, aswè a, m t ap li la nan Lèzekriti yon ti plas, pou--pou eksprime petèt kèk pawòl, pou pale epi li yon Ekriti, e apre sa kèk Ekriti petèt, epi pale avè nou pou on ti moman e apre sa priye pou malad. Ankenn lòt bagay ke jis pase on ti moman; m ap veyè lè a, e m pral eseye fè sa jis osi vit ke posib. Men m pa kwè lè yon foul moun rasanble ansanm, yo ka fè sa san yo pa li Pawòl la oswa fè yon bagay, tankou bay yon egzòtasyon, reyinyon an patap konplè.

17 Anpil lan nou te ret tann. Anpil lan nou gen pou pakouri dè mil ap vwayaje ankò aswè a. Se pa tikras admire mwen admire sa! Jan m gade epi wè chak moun, ak sa m panse...Laba Arizona, m t ap panse, "Kilè m ap wè I ankò, pou ap mache desann epi ba I lanmen epi yon akolad pase men lan kou I." E men ou chita la, ak kilès, ki kote m kapab, ou konnen? Pa menm konnen pa kilès pou m kòmanse, e kijan...kouman pou m soti ladann. Men, o wi, mwen renmen w. Bondye beni w, tou.

18 Bon m panse, si m pa twonpe m, si m pa gen bon--bon Ekriti a etale la, m vle li nan 1 Korentyen, chapit premye, ap kòmanse ak vèsè 18 la epitou li 2 Korentyen12:11, pou pran yon tèks. Bon si m ka jwenn yo byen rapid, epi nou va li, e apre sa priye pou kòmanse touswit, jis pale avèk nou pandan kèk minit sou yon ti sijè. Nan 1 Korentyen, chapit premye, ap kòmanse avèk vèsè 18 la.

*Pawòl ki fè nou konnen jan Kris la mouri sou kwa a,
se pawòl moun fou pou moun k ap peri yo. Men,
pou nou menm ki delivré yo se pouvwa Bondye.*

Se sa menm ki te ekri nan Liv la: M ap detwi bon konprann moun lespri yo. M ap voye konesans save yo jete.

Bon, lè sa a, moun ki gen bon konprann yo, moun ki fò yo, moun ki renmen diskite dapre prensip lèzòm yo, kisa yo gen pou di ankò? Èske Bondye pa fè wè se bon konprann lèzòm lan ki pawòl moun fou?

Èske m ka repete sa ankò? “Èske Bondye pa fè wè se bon konprann lèzòm lan ki pawòl moun fou?” Kisa bon konprann lèzòm lan ye alò? Pawòl moun fou.

...èske Bondye pa fè wè se bon konprann lèzòm lan ki pawòl moun fou?

Se sa k fè, moun k ap viv dapre lide ki nan lemonn lan, avèk tout bon konprann yo, yo pa kapab rekonèt Bondye kote Bondye ap fè wè bon konprann li. Se poutèt sa, Bondye deside delivre tout moun ki kwè nan pawòl moun fou n ap anonse a.

Èske m ka reli vèsè sa ankò? Koute byen.

Se sa k fè, moun k ap viv dapre lide ki nan lemonn lan, avèk tout bon konprann yo, yo pa kapab rekonèt Bondye kote Bondye ap fè wè bon konprann li. Se poutèt sa Bondye deside delivre tout moun ki kwè nan pawòl moun fou n ap anonse a.

Yon bò, jwif yo ap mande mirak,...yon lòt bò grèk yo ap chache bon konprann:

Men nou menm, n ap fè konnen Kris yo te klosure sou kwa a. Pou jwif yo, sa se yon wòch k ap fè yo bite,...pou moun ki pa jwif yo, sa se yon bagay moun fou.

Men pou tout moun Bondye rele yo, kit yo jwif, kit yo pa jwif, n ap fè konnen Kris la ki bon konprann Bondye a ak pouvwa Bondye a.

Paske, sa ki sanble yon bagay moun fou Bondye ap fè a, li pi bon konprann pase bon konprann lèzòm.

Sa ki sanble yon feblès Bondye ap moutre, li pi fò pase fòs lèzòm.

Mwen sot pale la a tankou moun fou. Men, se nou menm ki lakòz sa. Se nou menm ki pou ta pran defans mwen. Mwen te mèt pa anyen vre, men, apot nou yo ki kwè yo plis pase tout moun, yo pa gen anyen pase mwen.

20 Annou priye. Seyè Jezi, ajoute sou kèk pawòl sa yo, aswè a, ki te pwononse nan jou pase yo, pa gran apot Pòl , pou nou ka pwospere pandan n ap tandé yo aswè a, pandan n ap aplike yo nan vi nou, konsa nou ka vin bèl travay Bondye a, ki te reyalize nan fason Li te chwazi pou nou te vini an. Paske nou mande I lan Non Jezi. Amèn.

21 M pral preche aswè a pandan kèk minit, si Seyè a vle, sou sijè: *Sa Ki Etranj Lan*. Bon, sa se yon tèks ki trè kredib, ki difisil pou sezi, men dapre sa, m panse, sa va plizoumwen klè fason m vle eksprime I la.

22 Nou konnen, gen tèlman bagay, jodi a, ki rann moun *etranj*, jan nou rele sa. E ekspresyon sa, si yon moun pat janm tandé I, li vle di yon moun ki “biza,” yon moun ki “etranj” parapò a yon lòt. E pa gen dout ke anpil lan nou etranj, youn pou lòt.

23 Bon, m t ap mache nan lari a yon lè nan Los Angeles, Kalifòni, e m te wè yon moun trè etranj, ki t ap aji fason etranj. E li t ap mache nan lari a, pa ap monte desann, men li t ap jis tankou fè yon pwonmnad apremidi. M te travèse lòt bò lari a, pou m te wè kisa l t ap fè. Tout moun t ap vire gade, ap ri li, akoz jan li te biza.

M te remake li te gen yon siy pandye devan l. E m te panse m ta pral wè poukisa tout moun t ap ri, nom etranj, biza sa. Kifè li te...M te remake pandan ke moun yo t ap gade l, yo t ap ri l, e--e, men li menm sanble li te gen yon souri on jan diferan, yon souri, kontantman. Sourи lòt moun yo t ap ba li te plis tankou pou ridikilize l, men sanble li te gen satisfaksyon nan sa li t ap fè a.

24 Ebyen, se yon bagay ki mande anpil refleksyon, kan yon nom satisfè nan sa l ap fè ki kòrèk. Menm si li etranj pou yon lòt moun, si l satisfè ke sa l ap fè a kòrèk, alò ke l rete avè l.

E lè m te rive toupre ti bonòm lan, m te remake sou...sou lestomak li la, sou yon plak oswa yon ti tablo, sa te ekri, "Mwen se yon moun fou," e pa anba, ou te li,

“pou Kris.” “Mwen se yon moun fou,” an grann lèt; pa anba nèt, li te ekri, “pou Kris.” E tout moun t ap ri sa.

25 E pandan ti bonòm lan t ap desann byen vit ap pase atravè foul la ki t ap rele epi ap monte desann, m te retounen pou m wè sa k te ekri dèyè do l. Te gen yon gwo pwen dentèwogasyon sou do l, e pi anba , sa te di, “Kounye a pou kimoun ou fou?”

26 Ebyen, m--m te panse li te gen kichòy la, ou wè, men sanble li te satisfè poutèt li se yon moun fou pou Kris. E se sa Pòl di li te vin ye, “yon moun fou” pou Kris.

27 Frè Troy, ki fè pati de Òm Dafè Levanjil Konplè A, yon trè bon zanmi m, li--li se yon bouche. E li te atrape on jan de mikwòb nan men l, nan koupe vyann kochon yon fwa. Yon nonm ki konnen, oswa yon fanm, ki te konnen petèt sa mikwòb la te ye; men sa--sa ap manje chè w. Konsa, pou yo te ka sove vi l, yo te--te oblige koupe twa dwèt li. E li sèlman gen de dwèt nan yon men, men malgre sa li kontinye travay kòm bouche.

28 E te gen yon ti Alman ki te konn travay avè l nan yon--yon bouchri, anba Los Angeles, kifè li--li te kontinye ap eseye mennen ti Alman an bay Kris. E li di li te

“Literyen,” e sa te kòrèk pou li. Li te satisfè ke l te yon Kretyen, paske li te fè pati de legliz “Literyen”, jan l te deklare l la. Kifè yon swa Frè Troy te gen privilèj mennen l legliz.

29 Non l se te Henry. E Henry, an Alman, se “Heinrich,” konsa yo te konn rele l “Heini.” Nou deja tandé ekspresyon sa. Li te di, “Heini, sa k pase ak zafè al legliz avè m aswè a?”

30 “Ebyen,” li te di, “m kwè m prale.” Kifè li te desann al nan yon reyinyon a lansyèn mòd kote yo te gen yon reyinyon priyè, e li te vrèman vin anba konviksyon, e li te bay vi l a Kris.

O, jou apre a, ti Alman sa t ap rejwi l. Detanzantan li te jis ap mache travèse biling lan, avèk men l anlè , ap di, “Louwanj pou Bondye! Mèsi, Seyè Jezi!” e li te atire atansyon tout moun, yo tout nèt.

31 Ou wè, li te vin etranj pou tout liy bouche yo. E li te la ap koupe vyann, e li te konn ap rele. Li te konn depoze kouto a, pou ap fè lè san pa nan ale a, pa de fason isterik, men jis ap eksprime lanmou pou Kris, ap di, “O, ala m renmen W, ‘Yesus!’” Ou konnen, jis ap fè ale vini.

32 E bòs la te pwoche pou wè l ap fè sa, e pandan li t ap fè ale tounen, ap rele. Li pat janm remake bòs la; li t ap panse a Jezi. E li te kòmanse desann, avèk men I anlè, e dlo ap koule desann sou machwè l, pou ap di, “O Bondye, ala m renmen W!”

E bòs la te di, “Heini, kisa k rive w konsa?” Li te kontinye, “Tout moun sou liy lan--sou tout liy lan ap pale de sa. Kisa k te rive w konsa, Heini?”

33 Ti Alman an te di, “O, bòs!” Li te di, “Glwa pou Bondye, mwen sove!”

Li te di, “Ou kisa?”

Li te reponn, “mwen sove!” Li te di, “m te ale avèk Frè Troy la anba nan yon ti misyon, e m--m te sove. E Jezi te vini nan kè m, e mwen tèlman ranpli avèk lanmou!”

Li te di, “Ou dwe t al anba jwenn bann moun etranj sa yo.”

34 Li te di, “O, wi!” Li te di, “Glwa pou Bondye!” Li te di, “Mèsi Bondye pou sa k etranj yo!” Li te di, “Ou konnen, si w pran yon otomobil ki sou wout la, epi ou retire tout

pyès etranj yo ladann, pap rete anyen lòt ke yon bann ‘feray!’”

35 Ebyen, m pa konnen men ti Alman te gen toutafè rezon. Retire tout pyès etranj yo? Pyès etranj yo se sa ki kenbe yo tout ansanm. E m panse ke se sa ki kenbe legliz ansanm pafwa, ki kenbe sivilizasyon an ansanm.

36 Bon, pandan m te sot an vizit Prescott, sa fè kèk jou, m t ap gade dezè a e m te remake kouman nan Phoenix yo gen Jaden Japonè, e yo te gen flè la, bèl flè. Kote, lè m te yon jenn gason laba, m te konn travay ap rasanble betay anba nan plas sa yo. Anpil bèf, pat gen zèb, kifè yo jis te konn viv de pwa kaktis ak bagay konsa.

37 E alò m te remake ke te gen yon--yon repwodiksyon dezè a la. E nan dezè nou jwenn sèlman, kaktis ak flè yo. E lakay mwen la, oswa kay nou lwe a; Sè Larson, m kwè I te isit la maten an, m te wè I. Li gen yon jaden flè deyò kay--kay la; anpil pousyè. Tout bagay la se sab, kifè li gen pousyè sou yon bòn pati nan jaden flè sa ki chak kote kay duplex de etaj sa. E chak maten m dwe soti pou wouze flè sa yo. Si m pa wouze yo, y ap mouri. E yo va...E apre sa, ankò, m oblige pran yon spre pou

spre yo, pou elwaye pou sou yo; sinon ensèk yo ap manje yo.

38 E apre sa w ale jis on tijan pi lwen konsa, trant pye konsa, gen kèk flè k ap pouse, e deyò nan dezè a y ap grandi. E ou ka fouye ven pye de pwofondè e se va tankou pousyè poud; pagen anyen nan anviwonnanman an ke jis pousyè, pa gen dlo ditou. Kilès ki spre yo? Ou wè?

Flè ki nan jaden an, si w blye spre yo epi wouze yo, tèmit oswa ensèk, pou, va manje yo. Men pou a paka touche sila ki deyò la nan dezè a, e ou pa bezwen ap okipe I tankou yon ti bebe pou ap wouze I chak jou; li se yon pwodwi Kreyatè a. Sila se yon repwodiksyon ibrid.

39 E mwen panse ke, jodi a, rezon kifè Krisyanis vin yon bagay moun fou pou moun yo; se paske nou gen yon pakèt repwodiksyon e pa Kretyen otantik, yon pakèt ki bezwen yo dòlote yo epi wouze yo, poutèt pou yo rete nan legliz.

40 M ka imajine premye Legliz la menm, kisa yo te ye, epi konpare ak repwodiksyon sa jodi a. Sa t ap yon pwodiksyon bon mache de sa vrè Legliz la te ye,

kwayan wobis sa yo nan Bondye, avèk Sentespri a. Yo pat bezwen dòlote yo. Yo pat bezwen tape do yo epi di yo yo t ap mennen yo nan sesi; e si yo te fatige ak sila, y ale nan yon lòt; epi n ap fè yo dyak si yo vin isi a epi kite lòt la. Sa se yon repwodiksyon ibrid.

41 M t ap panse a tablo orijinal Michel-Ange lan, mwen kwè, sou “Dènye Soupe A.” Mwen panse se li ki pentire I. Èske w reyalize konbyen tablo orijinal sa ta ka koute w? Se t ap dè milye de dola ke w pa ka konte, sa pa t ap janm sifi pou gen orijinal la, paske li pa gen pri. Valè I sitèlman elve! Men ou ka achte yon repwodiksyon bon mache de sa pou de dola apeprè.

42 Se poutèt sa jodi a moun yo pa ka konprann kouman vrè kwayan otantik yo wobis konsa. Yo vin fou. Ou konnen, mond lan vin tonbe nan yon sèl boubye jouk tanzantan ou dwe genyen yon fou pou redrese sa. Sa pran yon moun k ap vin sou sèn lan ki yon ti jan diferan, epi pou l yon moun fou pou jenerasyon sa. M t ap panse lòt jou, kilès ki kapab?

Kilès jodi a ki pa yon moun fou? Ou fou pou yon moun. M kwè ke monn lan nèt ap vin ensanse. Èske nou

konnen ke se tan kote moun yo pa ka disèn ant byen ak mal, oswa ant laverite ak lerè?

43 Èske nou konnen politisyen yo pa ka jije ant byen ak mal? Nou wè yo ki rete an silans sou zafè vote pou retounen Bib la nan legliz oswa nan...Bib la nan lekòl? Yo pa konnen ki kote van politik la pral soufle. Panse a sa! M pa konnen kouman sa ye nan Indiana kounye a, men nan leta Arizona li kont lalwa pou li Bib la nan lekòl. M panse se menm bagay la nan Indiana, prèske tou Etazini nèt, paske kèk fanm enkredil te chanje pwogram la. E, sonje, li kont lalwa pou li Bib la nan lekòl piblik nou yo, men se taks kwayan yo k ap sipòte ansèyman enkredilite nan lekòl.

44 Politik la.Nou bezwen yon lòt Abraham Lincoln. Nou bezwen yon lòt Patrick Henry. Nou bezwen yon Ameriken ki kanpe debou kèlkeswa kote poilitik pozisyone l, epi pou rele byen “byen,” epi mal “mal.”

45 Èske nou konnen predkatè yo jodi a pa ka jije sa ki byen, swa Pawòl Bondye a oswa legliz denominasyonèl? Yo pa konn ki wout pou yo fè. Yo pa ka jije ant byen ak mal. “M konnen Bib la di sa, men

legliz nou di..." Ou wè, moun yo pa ka jije ant byen ak mal. E tout sa ki kontré ak Bib la li fo. Pawòl Bondye a se laverite, e pawòl tout moun se manti, se sa ki kontré a Limenm. E pou eseye kanpe kounye a, nan yon--yon--yon tan konsa, epi pou kanpe pou sa ki jis, ou vin yon fou.

Annou pran kèk pèsonaj.

46 M ka imajine m pwofèt Noe nan gran tan li t ap viv la; gran aj syantifik sa kote yo te bati piramid ak esfenks, kote yo te ka pwouve pa gen dlo nan syèl la, avèk rechèch syantifik. Men vyeya sa k ap vin la, epi li di: "Lapli pral tonbe sot nan syèl." Noe te yon moun fou pou jenerasyon sa. Li vin yon fou.

47 Ann panse a Moyiz. Moyiz, lè I te desann al kot Farawon, kòm nou te pale sa maten an, E Moyiz t ale kot Farawon, epi li di: "Seyè a voye m pou fè esklav sa yo sòti," avèk yon baton nan men I, kont lame ki te konki lemonn antye. Farawon, ak tout jeni syantifik li a, te panse ke Moyiz te yon moun fou. E, li te yon moun fou, dapre yomenm.

48 M ka imajine pwofèt Eli, nan gran jou pa l la, lè tan fòmidab lamòd sa; lè Akab ak Jezabèl t ap dirije lemonn, kòm li te ye, nan jou sa yo; epi tout lamòd ak lòt bagay ke Jezabèl te vle pote, e kijan li te fè tout lòt fanm yo abiye menm jan avè l, ak makiyaj li yo, ak tout bagay, mòd li yo, fason ke li te abiye. E lè yon vye detrake, tankou Eli, vini sou sèn lan epi opoze a tout nasyon an; pou Akab, li te yon moun fou. Se vre.

49 Amos, pwofèt la, lè li te rive Samari nan epòk ke Samari te tankou Hollywood jodi a, fanm yo nan lari a, abiymen yo, e menm adiltè piblik, kouman yo te konpòte yo epi viv la, ap kite gason...

50 Se prèske yon adiltè piblik, jodi a, jis devan je nou. M t ale yon sèten kote lòt swa, pou chache yon bagay pou manje, e te gen ti gason yo ak tifi yo la ki t ap anbrase epi bo tankou sa m pa konnen.

E èske w konnen, ti sè m, ke sa se yon adiltè potansyèl? lè yon nonm bo w, li komèt adiltè potansyèl avèk ou. Ou pa ta dwe janm kite l bo w jouk ou marye, paske glann yo, glann mal ak femèl yo toulede, yo nan lèv yo. Èske w konprann? E lè glann mal ak femèl yo

rankontre ansanm, kèlkeswa kote l ye a, ou komèt adiltè potansyèl. E ou pa ta dwe kite yon gason bo w jouk li leve vwal sa sou figi w epi ou vin madanm li. Piga w fè sa! Sa se komèt adiltè. Se melanje glann mal ak femèl yo ansanm.

51 Poukisa yon nonm pa bo yon nonm, yon fanm pa bo yon fanm, sou lèv? Paske glann yo pa kwaze. Timoun fèt akoz glann yo ki kwaze.

Kifè se prèske yon adiltè an piblik ankò, tout kote. Gade ekran sinema yo ak tout lòt bagay nou wè, yon--yon karès ak yon--yon move konpòteman. Se pa etonan ke imoralite ap monte--ap monte an flèch! Kouman yo ka aji konsa, epi eksite tèt yo nèt nan zafè bo fanm sa yo sou bouch, pandan ke yo konnen ke sa se adiltè! Bondye p ap padonnen sa sof si ou repanti.

52 E kounye a, lè gran pwofèt sa vini, Amòs. Yo rekonèt li kòm youn nan pwofèt minè yo paske pat gen twòp bagay ki ekri sou li, men li te genyen Pawòl Seyè a. E li te voye je l gade vil sa, tout livre yo...Nan pak yo, gason ki chita ak bra yo alantou fanm yo, epi fanm ki gen bra yo alantou gason yo, jis yon Hollywood modèn! E li te

mache atravè vil sa, epi li di: “Swa ke nou repanti oswa nou peri!” Li te yon fou. Li te prèske deklare tèt li fou, dapre yo.

53 Jan Batis, lè I te rive sou sèn lan, kot denominasyon relije nan jou sa, li te yon fou. Li te gen okazyon pou I te vin yon sakrifikatè, pou swiv tras papa I. Men li te refize fè I, paske Bondye te gade I andeyò kredo sa yo ak denominasyon yo, paske travay li te two enpòtan. Li te dwe anonse vini Mesi a. E lè li pat gen anyen pou wè ni avèk Farizyen yo, Sadiseyen yo, oswa kèlkeswa sa I te ye a, li te rejte tout gwoup la nèt, epi li di: “Piga nou konmanse di: ‘Se Abraham ki papa nou,’ paske m ap di nou ke Bondye kapab ak wòch sa yo sisite timoun pou Abraham.” Dapre--dapre monn relije nan jou pa I yo, li te yon fou. Byen.

54 Lè Jezi te vin sou sèn lan. Dapre moun relije nan jou pa L yo, Li te yon fou tou. Paske, yo di: “Ou se yon Samariten. Ou pèdi larezon. Ou se yon moun ki toke,” nan yon lòt sans, “yon moun fou.” Se sa Li te ye, pou moun yo, Seyè nou an ak Sovè nou an.

Se pa etonan, Pòl, te antrene pa Gamalyèl pou vin yon sakrifikatè, li te gen okazyon pou vin yon gran prèt. E antan I te sou wout li pou Damas, li te frape pa yon Limyè sinatirèl. E li te leve je I gade anlè, antan ke yon Jwif, e li te konnen se te Kolòn Dife sa ki te kondwi pèp li a. Li di: "Seyè, Kiyès Ou ye?"

E li di: " M se Jezi."

55 E lè li te abandone enstriksyon li, li te abandone tout teyoloji li te aprann nan lekòl yo, e li te vin yon predikatè lari òdinè, li te yon fou. Li di: "M vin yon fou."

56 E moun yo te panse li te fou, li te pèdi rezon li. Li te di Festis: "M pa fou." Li te fenk konnen Seyè a. Men konnen Seyè a nan yon gwoup reliye...

Mwen espere ou p ap rate sa. Konnen Jezi, jodi a, nan mitan yon gwoup reliye, sa fè de ou yon fou. Sa pa chanje. M ta ka rete plis sou sa, men mwen--mwen vle depeche m pou liy priyè a.

57 Martin Luther, ti prèt Alman sa, ki te kenbe nan men I ekaristi a yon jou, li te jete I atè sou mach eskalye yo, epi li di: "Sa se pa kò Jezikri. Sa se sèlman pen yo te fèt kwit laba." E li te deklare, ke, "Jis la va viv pa fwa li." Li

te yon fou pou legliz Katolik. Yo te ka asasine l pou sa, men, li te yon fou, e yo te jis kite l frankil. Men, li te vin yon fou, pou jenerasyon sa.

58 John Wesley, nan epòk lè te gen gwo imoralite an Angletè. Lè, si revèy wesleyen an pat vin sou sèn lan...Lemonn antye te kowonpi, imoralite te tout kote. E legliz Anglikàn te sitèlman ale lwen jouk pat gen okenn revèy ankò; sitèlman panse a te Kalvinis! Epi John Wesley te antre an sèn, avèk--avèk pawòl sanktifikasyon an, pou netwaye imoralite a. Li te vin yon fou.

59 M ap site Mesye Wesley, yon fwa, nan liv li a. Li t ap swiv yon santye, epi youn nan moun nan legliz Anglikàn lan...Yo tout te panse li te fou, kifè li te kanpe nan santye a. Mesye Wesley te yon ti bout gason. Gran kanmarad sa te panse li ta ka jis bal li yon klak, kifè li te kanpe nan santye a. Mesye Wesley te avanse epi li di: “Eksize m, mesye, èske w ka retire w nan chimen an? M prese.”

Epi Anglikan an te di li: “M p ap retire m nan chimen an pou yon fou.”

60 Mesye Wesley enkline chapo li ak politès, pase sou kote l; li di: "Mwen, m toujou fè l." Kifè, ou wè, sa se sila ki te fou a; youn te fou pou Kris; lòt la te fou pou legliz.

Kifè, ou se yon fou pou yon moun, poutan.

61 Lè Pannkotis yo te antre an sèn, sa fè senkant de sa, yo te di: "Moun sa yo fou!" Yo te fou, se sa, paske yo te kondane tout koripsyon sa ki te nan laj legliz yo nan epòk sa lè yo te antre an sèn.

Men kisa Pannkotis yo te fè? Yo te retounen drèt nan vomisman kote yo te soti a, yo te tounen tou drèt nan koripsyon denominasyon. Ou konn on bagay? Se tan pou yon lòt fou. Wi. Se tan pou yon lòt fou. Se sa.

62 Remake, yon ekrou, anvan gen yon ekrou, dwe gen yon boulon pou vise ekrou a. Epi ekrou sa anfile nan boulon an; si non, se yon move ajistaj. Remake. Tout sa yo ki te anfile, nan epòk Noe a, anfile nan mesaj Levanjil la; Noe, ekrou a, te atire yo nan lach la. Sa depan de nan kisa ou anfile, a kisa w ajiste. Si w anfile pou ajiste w ak lemonn, yo va atire w. Si w anfile pou ajiste w ak Pawòl la, Li va atire w. Sa depan de ak kisa ou anfile, kijan de ekrou w ap swiv.

63 Men Noe, antan ke yon fou pou Pawòl Bondye a, yon fou dapre laj syantifik epi relije li t ap viv la, li te atire yo, sa ki te dwe sove yo, nan lach la. Amèn. Sa yo ki te predestine, boulon an ki te fabrike anvan ekrou a. Boulon an dwe ajiste nan ekrou a.

64 Kifè, Satan, li gen kèk boulon ak ekrou, tou, boulon ak ekrou ki nan wayòm mond sa.

Farawon te jis osi fou nan je Noe, oswa Moyiz, menm jan Moyiz te ye pou Farawon. Farawon, ak tout trik syantifik li yo, te atire yon nasyon vè limenm. Noe, antan ke yon fou pou Bondye, te atire legliz vè tè pwomès la. Sa depan de fason ke w anfile a. Li te tire pèp la andeyò Lejip; jan Noe te tire legliz andeyò mond lan, vè lach la. Moyiz te tire pèp la soti nan Lejip, vè tè pwomès Bondye a.

65 Jezi te di I. Bon, fè atansyon, paske ekrou sa yo ak boulon sa yo sanble anpil youn ak lòt. Jis siveye anfilaj la. Matye 24:24, Li di: “Li t ap prèske sedwi vrè Eli a.”

Kounye a, Ameriken yo ak lemonn antye bezwen yon fou.

66 Metodis yo, Batis yo, Presbiteryen yo tout dispèse nan sesi, *sela*, ak tout batay. Epi, apre tou, yo tout anfile nan menm boulon an. Kifè Bondye ba yo yon boulon, epi voye ba yo yon ekrou, Konsil Mondyal Legliz yo. Li va rasanble yo tout ansanm. Se vre. Li va fè sa se sèten. Li va rasanble yo ansanm, Konsil Mondyal la.

67 Ou konnen, sa te rive, isi a sa pa fè lontan...Pa ka gen anyen ki rive, yon kòz, san rezon. Fanm yo vle dezabiye tèt yo. Yo te vle mete chòt. Yo te vle kontinye kòm manm legliz ankò. Yo te vle mete tout kini sa yo, oswa jan ou rele bagay sa yo. Yo vle fè sa, e yo vle toujou rete manm legliz; yo vle kriye, rele, epi danse; adore, se yon fòm adorasyon.

68 Kounye a, si m te gen tan, m t ap pwouve w sa. Sa se yon adorasyon dyabolik, danse konsa epi kontinye fè bagay sa yo. M ka pwouve w sa, nan peyi payen yo. Yo vle adore, epi kenbe temwayaj yo epi kontinye rete kòm manm legliz. Kifè Bondye ba yo yon ekrou, de oswa twa nan yo; youn yo rele Elvis Presley; youn, Pat Boone, ak Ernie Ford; yo ka chante kantik yo ak tout lòt bagay, epi yo kontinye ap rele tèt yo Kretyen. Se yon ekrou. Li pa anfile ak Pawòl la. Se vre.

Bon, m te di m ap fini nan yon demi èdtan, e li depase. Men, tande.

69 Mond lan bezwen yon ekrou. Dyab la sèten ke yo genyen I. Yo deja anfile nan sa.

Men, pandan mond lan ap anfile nan yon ekrou, gen yon pèp ke yo rele Lepouz. Li anfile, tou. Jis osi sèten ke m kanpe isi a, Bondye va voye ba yo yon ekrou ki va tire Lepouz sòti nan dezòd sa, pou mennen I nan Prezans Bondye. Se va yon ekrou ki anfile ak Pawòl la.

70 Yon kritik, kèk jou de sa, te di m, anba a nan Tucson. Li te di, "Ou konnen, kèk nan moun yo pran w pou yon nono, epi lòt yo fè de ou yon dye ." M te di, "Ebyen, sa on jan ale trè byen." M konnen I ap eseye kritike m. Ou wè ?

71 Li di : Moun yo kwè w se yon dye.

72 M te di , " Ebyen, jis ..."M konnen ke moun yo pa t fè sa. Men, m-m te konnen ke I pa t ' konprann sa, paske I te sou lòt bò po a, ou wè. Konsa, m te

konnen li pa, li pa t' konnen sa. kidonk, m te di, " Sa a pa twò Iwen de Pawòl Bondye a. pa vre? " Gade, jis kite I- jis kite I konnen ke nou pa pèdi. Nou konnen ki kote nou te kanpe. Nou konnen nan ki kalite anbakasyon nou te monte, epi ki kalite van ki t ap pouse I. Nou konn ki sa filè nou an te ye, e ki sa ne nou an te ye. Epi nou konnen ki jan nou kanpe. M di , " Sa pa kontré ak Pawòl Bondye, otan k sa. pa vre ? " M di , " Sonje, lè Bondye te voye Moyiz desann kot pèp Izrayèl la, Bondye te fè de Moyiz yon dye, se vrè; e te fè, tou, Aawon frè I, yon pwofèt. Se vre. 'Tout pwofèt yo , ' Jezi te di , 'Se te bondye. Yo te bondye ; monchè. " se vre. Bondye antann li fason sa a.

73 Tande, Pawòl ke n preche a epi pawòl ke m te di maten an, " Bondye kache dèyè po bët, po blewo, Bondye kache dèyè po yon nomm." Ou wè ? Se sa I te fè. Lè Bondye te manifeste nan mond lan, Li te

kache dèyè yon vwal, dèyè po yon Nonm ke yo te rele Jezi. Li te vwale e l te kache dèyè po yon nom yo te rele Moyiz, epi yo dè dye, pa Bondye; men yo te Bondye, inik Bondye a, jis ap chanje mask Li, ap fè menm bagay la chak fwa, ap pote Pawòl sa a. Ou wè, Bondye te fè l fason sa a. Li konnen ke nonm sa a te dwe wè yon bagay ; ki gen nan chak nan nou ki fèt nan mond lan.

74 Tankou m t ap di w maten an, pèsonn pa t oze swiv Moyiz anndan la a. Bondye pa janm annafè ak de. Li toujou fè zafè ak yon sèl. Pa gen moun ki ta oze imite Moyiz. Se te lanmò, lanmò natirèl, pou eseye imite l, pou antre kot kolònn dife avè l. Konsa moun pa fèt fèt e founi... Ou pa fèt fason sa a, pou lage w nan sa ki sinatirèl. Men, Bondye etabli kèk moun sou tè a pou reprezante L, kòm yon anbasadè ki vin de Li. E anbasadè sa a òdone pa Bondye, pou

antre nan gran sinatirèl enkoni a, e disènè, epi fè soti de bagay ke panse natirèl la pa ka pèsewva. Li fè sòti mistè Bondye a, predi bagay yo bagay ki rive yo, ak bagay ki te rive, ak bagay sa yo ki pral rive yo. Ki sa I ye? Bondye, Bondye dèyè po, po moun. Se egzakteman sa.

75 Sam Connelly ap viv nan Tucson. Li te vin isit la yon fwa, plizyè lane de sa, ak Mesye Kidd, e I te geri ; ak yon ilsè pèmanan depi plizyè lane. Lè mwen te pati sezon lotòn dènye a, Sam te gen yon-yon pyè ke espesyalis la a , nan-nan Tucson, te egzamine I. Li te gwo tankou yon gren mab. Frè Sam Connelly ... Anpil nan nou isit la konnen I; li soti Ohio. Apre sa, li te al kot doktè a, ki te di I, "Sam, prepare w pou semèn pwochèn nan ; Mwen pral retire pyè sa a, "nan kèk jou depi lè sa a. Li te di, "Èske mwen ka rann pyè a, doktè ?" Li te di , " Li enposib. Pyè a twò gwo. "

76 Konsa li te fè I monte nan yon machin e I te mennen I lakay li. Epi I te rele ; li te di , "M te vle w vin priye pou mwen, Frè Branham," Poukisa I te rele m pou yon tèl bagay ? Kifè m te kòmanse lapriyè pou li.

77 M te di , "Sam, se ENSI DI SEYÈ A, pyè a pral soti pou kont li."

78 Nan demen maten li te pote pyè a kay doktè a. Epi li te di, doktè a te di, "Mesye Connelly, m pa konprann kouman sa te rive . "

79 Epi li di : "M son'on kwayan nan Bondye, epi Bondye te fè m rann pyè a, retire I pou mwen." Nonm lan te ka difisilman kwè I, doktè a. Jis pa plis ke I te kab kwè ke gwo timè ki te bò kote madanm mwen a te soti. Ou tande pale de sa, wè. Kidonk li te di ...

80 Anviwon sis mwa pita, ki te apeprè twa ... apeprè de semèn de sa, oswa twa semèn de sa, Sam

Connelly te frape pa yon pwobèm kè grav. Epi m pa konn non an, kowonè a, oswa kèk sòt de arè kadyak, oswa sa l ye a. Li danjere anpil ... Li pa pral ... Ou pa ka soti anba l vivan, yo pretann. Yon kriz kè, e kè l' te bloke. Epitou manm li yo te anfle opwen ke je pye l yo te pi gwo ke janm li, anwo la a toutotou anch li. Ebyen yo te mennen anba a kay doktè a. Doktè a te di, " Mennen l lakay li, trankilman, oswa al lopital avè l." Sam te di, "M pa vle al lopital!" Li te di " Mennen l lakay li epi mete l nan kabann, epi penga w bouje ni tèt, men, oswa pye l yo pandan sis mwa." Li te di, "Ou ka mouri nan nenpòt ki minit lan."

81 Epi Frè Norman te rele. E l te al sou plas jou swa sa a, pou wè Frè Sam. Epi nou te priye pou li, e Seyè a te pale. Apre nan landmen maten, Sam desann nan biwo doktè a, li rale janm fripe l yo, li te kanpe devan doktè a, e l te di, "Gade m non, doktè !" Epi doktè a

mete I sou elektro kadyogram, epi I di , "M pa konprann sa." Li te di , "Kontinye al nan travay ou." Li te di, " Ki legliz ke w fè pati?" Li te di, "M pa fè pati okenn nan yo."

82 Li di "Ou pa ka yon kretyen san ke w pa fè pati de yon denominasyon. Ou dwe. " Ou wè, se tout sa doktè a te konnen. Sam te yon nono, pou limenm. Epi I te yon nono, pou Sam, lè I pose jan de kesyon sa yo. Answit kisa k te pase ? Sam te vin kote m, e I te di, " Kisa m ka di a moun k ap di m jan de bagay sa yo, Frè Branham?"

83 "Di yo ke w fè pati de youn e sèlman Legliz la. Ou pa rantre ladann. Se pa yon denominasyon. Ou fèt ladann. "

84 Yon ti dam, anviwon sis mwa de sa, te apiye sou pwatrin Sè Norman. Mwen blyie Non I, yon trè bèl ti

dam anviwon trant an daj. Limenm ak mari I te separe, e I te soufri ak lesemi. E I te nan yon tèl kondisyon ke I te apènn kab deplase. Epi finalman sa te vin anpire nan pwen ke doktè yo te mete I nan kabann. E doktè yo te vizite jouk lè a rive. Yo ba I jouk Mèkredi k ap vini an. Li ta dwe mouri bò Mèkredi. Epi Madan Norman yon jan kanmenm te soti I nan kabann nan, e pote I la a, epi I te dwe soutni I nan yon chèz. Epi alòs ke ti malerèz la te chita la a, ap balanse devan- dèyè, te osi blaze jan I te kapab ; koulè jòn sou po I, ki vin de kansè a, lesemi. M te di, " Oke, m ka priye pou ou, sè m." Epi, I ap eseye pale , ak dlo nan je I yo, li di ... M-m te di, "Èske w son'on kretyen?" Li te di , " M se yon Methodist ." M te di , "M-m te mande w si w te yon kretyen." Epi I te di , "Ou vle di apateni a legliz kretyen an ?"

85 M te di , "Non, madanm. M vle di, èske w fèt nan Lespri Bondye a, epi w renmen Seyè Jezi a? " Li te di, " Ebyen, Mwen te toujou fè pati legliz."

86 M te di, "Si Bondye pral kite w viv, ou vle pwomèt mwen ke w pral tounen vin jwenn mwen epi kite m 'monstre w chemen Seyè a pi klèman?" Li te di , "M pwomèt Bondye nenpòt sa I ye a, si I pral sove lavi m. M pral sèvi I. "

87 Menm lè a, yon vizyon vini, li di, " ENSI DI SEYÈ A. Pa fè preparasyon ; dechire tout bagay pou lanmò w, apre demen an. " Se te nan Lendi, epi I te dwe mouri Mèkredi. " Ou pa pral mouri." Dimanch pase a, yon semèn apati dimanch sa a, m te chita avè I nan sal la. Li te peze trant liv anplis; doktè a di li pa jwenn tras lesemi a okenn kote. Epi I te vle konnen; epi m te voye I anba a poul te batize nan non Jezi Kris la, nan yon fose pou irigasyon, nan fason Seyè a. M ta

ka yon nono, men, "Si m dwe elve, m pral atire tout moun a mwenmenm '."

88 M te an vizit, kay ti jenn gason ki te abitye anrejistre kasèt isit la, Leo Mercier. Li te gen yon teren pou trelè. E m t ap priye pou kèk moun. Apre m te priye pou yon ti dam ki te rele Lokar, mwen kwè ke se sa. E I te fè pase katòz operasyon kansè, epi doktè te abandone pou I mouri. Apre sa, yo te priye pou li, e te di I ke I pa ta mouri, men I ta viv. Epi pa t gen yon sèl tras li okenn kote. Kidonk akoz de sa, ven-uit nan manm fanmi li ki te kanpe la a, te sove e te ranpli ak Sentespri a. Li te ka yon nono, men I ap atire tout moun a limenm, Sa k va vini yo. Li te anfile nan Pawòl la. Ou wè sa m vle di?

89 Mwen te resevwa yon lèt ki antre, anvan yè, ki te depoze dèyè a la a menm nan dosye a. Lotòn dènye, pandan m te nan yon vwayaj lachas ... oswa, prentan

pase a, se te yon lane de sa. Yon ti gason endyen yo te rele Oscar, ke n konn chase sou gran wout la avè I ; se nan plas kote zanj Seyè a, m te di w la, atravè isit la, te mennen karibou sa a ak- ak lous ajante sa a. Nou tout raple nou de sa. Epi ti jennom sa a, lè m te antre ... Li te antre nan tant lan, prentan dènye a. Epi lè Bud te mande m 'pou mande benediksyon an, (li te retire gan I ; li tap monte cheval), li mete gan I yo e I te pare pou soti. Li te yon Katolik. Li pa t gen anyen pou wè ak sa.

90 Lotòn dènye, lè I te kapab, li te kanpe bò kote m ... Lè manman te tounen la a, t ap mouri ak yon kriz kadyak, li te di, " Ou pa ta vle tounen e lapriyè pou li?" M te tounen nan ti joupa Endyen sa a la a. Epi la a , yo tout te rasanble otou manman sa a, epi I t ap mouri, li pa t 'kab di yon mo angle. Epi Sentespri a te desann e te di manman an, pa yon entèprèt, ptit fi I

la, kisa k t ap pase a, ki se te sa. Te menm nonmen non I, epi te di I kiyès li te ye, e nan ki tribi I te soti, e kouman ke sa ta rive. E manman an te geri imedyatman.

91 Epi nan denmen maten, lè m te tounen pou m wè yo, alòs ke m t ap kondwi, m t ap fè quarant mil pou m al dèyè yon mouton, men yo tout te chita la a , li te tout ... ap monte sou do chwal la pou tounen al seche vyann karibou. Epi m te di , "Yè swa lè m te priye, m te di, ' Papa nou ki nan syèl la.'" M te di, "Louise, m-m ... Se te yon priyè Katolik. Nou tout te kòmanse, e apre, sèten, m kite w. " Epi m te di, " Koulye a, m jis pral remèsyé Bondye. Nou pa repete priyè ; nou priye . "

92 Li te di, " Nou pa Katolik ankò." Li te di , " Nou kwè tankou w kwè. Nou vle w pran nou tout epi batize nou nan fason ke w batize a. Nou vle Sentespri a. "

93 Nan retou vwayaj la ... Ti jennom lan te pèdi chwal li yo, dè mwa anvan sa, li pa t kab jwenn yo. Apre sa, gid-la t ap rele I byen fò, li te di , "Oscar, ou konnen byen pwòp ke w pa do ki te chwal ou yo konsa. Lous yo, anpil lous grizzlie yo , ta manje chwal yo lè sa a. " E I te vle rete pwòch mwen. Epi I te di, yon jou swa, li te di, "M vle mande w yon bagay ?" M te di "Wi." Li te di , "Frè Branham, priye Bondye. Bondye tounen ban m poulen m yo ankò. " M di, "Bud te di lous la te manje yo." Li te di , "Frè Branham , mande Bondye. Bondye tounen bay Oscar poulen I yo. " M te di , "Ou kwè sa, Oscar?" Li te di , "M kwè. Bondye fè manman m byen. Bondye di w ki kote lous yo te ye, ki kote jwèt la te ye. Bondye sa a, konnen ki kote jwèt ye, konnen kote chwal mwen yo ye . " Ou kwè?

94 Yon lane de sa , pandan ke m te kanpe la ba a avèk Fred Sothmann, ki isit la aswè a, Billy Paul, ptit gason m. Sentespri a te desann. M te di, "Oscar, ou pral jwenn poulen w yo. Yo pral kanpe nan nèj la . " Men lèt la poze la a, yo te ekri m semèn dènye a, e m te resewwa I Vandredi, pandanm antre isit la. Li depoze la a menm nan dosye a kounye a. "Frè Branham, Oscar jwenn poulen yo kanpe nan nèj la."

95 Ki jan yo te fè anvi, pèsonn pa konnen. La a, ti jennomn nan ... Nan epòk sa a nan ane, mwa jwen, gen si tèlman anpil nèj ke gen toujou ven oswa trant pye nèj nan alantou yo. Ki jan yo te fè pou rete nan sezon fredi a, nan kannyonn sa a ? Oscar ka rive kote yo, ak rakèt, men, sèten, li pa ka met rakèt pou polen I yo. Men li jwenn yo, dapre Pawòl Seyè a. Li ta ka parèt tankou yon nono; jis kwè I yon sèl fwa! Sa depan de kouman fil ou yo ye.

96 Koulye a, li pa pral anfile ak yon denominasyon. Li pral sèlman anfile ak Pawòl la. Men gen kèk moun nan mond lan ki kwè Pawòl sa a! Sa pral pran yon nono pou vlope Epouz sa a isit la, li te anfile, paske Epouz ak Epou a fè yon sèl. Epi Bondye se youn, e Pawòl la se Bondye ! Li pral gen pou l anfile ak Pawòl la, epi li pral atire Epouz la an deyò de denominasyon yo.

97 Ya, li te vle kritike m. Ou konnen, sa raple m pou m pale, maten an, sou Bondye kache dèyè po yo, po moun.

98 On ti istwa, epi map fini; mwen dezole m kenbe nou isit la anviwon karant-senk minit kounye a. Te gon kay, on kay Kretyen, epi te gon... M rakonte sa a, a kritik sa

a. E nan kay sa a, te gon... yo te kwè nan Bondye. Yo te gon ti gason, men li te pè loraj anpil. Zeklè, oh, li te pè anpil. Lè gen zeklè, li kouri anba tab, nenpòt kote.

Donk on nwit, te gon gwo loraj nan fèm lan, kote yo te abite, van tap soufle nan pwebwa yo, e zeklè yo tap klere, li te kòmanse fè ta nan nwit lan. Manman an di Junior, li di: "Kounye a, Junior, monte anlè a e al nan kabann ou." Li di: "Bon, ou pa bezwen pè. Monte anlè a."

99 Alò ti Junior, avèk pijama li sou li, li monte mach eskalye yo pandan lap gade dèyè, li te prèt ap kriye. Li lonje, ap eseye dòmi, li kouvri tèt li. Li pat ka dòmi; poutèt zeklè yo ki tap klere fenèt la. Alò li di: "Oh, manman," li di: "Vin anlè a e dòmi avè m."

Eben, li di: "Junior, pa ganyen ki pral deranje w. Zeklè sa a pa ka fè w mal."

Li di: "Men, manman, vin anlè a e dòmi avè m."

100 Alò manman an monte mach eskalye yo e li lonje sou kabann lan, avèk Junior li. E li di: "Junior, ti gason mwen, manman w vle di w on bagay." Li di: "Junior, nou son fanmi Kretyen. Nou kwè nan Bondye, e nou kwè ke

Bondye pwoteje nou nan tanpèt yo. Nou kwè sa. E nou kwè ke Bondye pran swen pa L yo.” E li di: “Mwen vle ke ou kwè sa, Junior. Ou pa bezwen pè. Bondye avè nou, e Lap pwoteje nou.”

101 Junior kriye pandan on ti moman. Li di: “Manman, m kwè sa, tou.” Li di: “Men lè zeklè yo tèlman pre fenèt la konsa, m vle manyen Bondye an ki gen po sou Li.”

Alò m panse ke anpil nan nou, granmoun, nou panse menm bagay la. Bondye, ki gen po sou Li! [Espas vid sou kasèt la-Ed.] Bondye, ki gen po sou Li! Sa ka sonnen tankou on moun fou, pou mond lan, men li atire tout moun a Li.

Annou priye.

102 Papa nou ki nan Syèl la, menm jan ak ti istwa sa yo, eksperyans sa yo-yo, pafwa yo rive pou on rezon. E yo, menm si yo parèt di, nou konprann yo nan lang ki aplike nan kontèks la. Alò nou remèsye W, aswè a, Seyè, ke-ke Bondye ka abite nan nou. Nou rekonesan pou ekspyasyon an ki te fèt, pou San moun ki Jis la; Li menm ki te plenitid Bondye, plenitid Divinite kòporèl la, e ki te bay vi Presye Li; yo pat pran I nan men L, men Li te

bay li volontèman, pou nou ka jwi de Li nan plenitid Prezans Li, nan glwa Shekinah kote L te viv, pou ke nanm nou ka sanktifye pa San sa a, e ke glorye Sentespri an Li menm ka viv nan nou. E nou vin dè anseyan, pwofèt, e elatriye, pou moun yo, pou sa yo, Seyè, ki nan bezwen; don Bondye; Bondye Li menm kap manifeste, kap fè gwo don Bondye yo eklate, nan epòk modèn sa a.

103 Epi ekspresyon malelve sa a, Seyè, pou ou son moun fou. E nou konnen, ke nan epòk sa a, se petèt sa nou bezwen, alò ke mond lan vin enkruste nan abitid li yo, menm jan li ye pou legliz la jodi a; nou jis ap antre nan novo legliz ak novo denominasyon. On nonm ki vin ak Pawòl la, li konsidere kòm on moun fou, on malad mantal. Tankou gwo apot Pòl, ki te fòme pou vin on teyolojen, on prêt, e poutan li te di, ke li te vin on moun fou, pou glwa Bondye. Li te abandone edikasyon li, pou ke moun yo te ka... koute mo trè rafine l yo. E li te di, ke li pa vini avèk bél pawòl epi sajès lèzòm, pou ke lafwa yo nan bagay konsa. Jan legliz la vin konsa jodi a, menm jan li te pwofetize l, “Apre mwen fin ale, gen moun kap vin nan mitan nou pou kraze legliz la, tankou

chen mawon nan yon bann mouton.” Men li te di, ke li vin a yo, “avèk pwisans e manifestasyon Sentespri a,” pou ke lafwa yo nan Bondye. Papa, li te vin on moun fou, pou mond lan, poutèt li te konn Jezi.

104 E nou menm tou jodi a, Seyè. Gen de moun isit la ke yon konsidere tankou moun fou, paske yo pare pou fè Bondye konfyans pou gerizon yo, pou destinasyon Etènèl yo. Yo mete repitasyon yo an danje, pou adore Li. Yo rann Li gras, yo louwe Li, yo bay lespri yo libète, pou adore Bondye; yo konsidere tankou moun fou. Men Ou di, ke, “foli Bondye an,” si nou fou, “li pi fò e li pi saj ke sajès lèzòm; paske lòm, avèk sajès li, li pat konnen Bondye. Men atravè foli predikasyon an, sa te fè Bondye plezi pou L sove moun ki te kapab sove.” Nou priye, Bondye, ke gran Otè Pawòl sa a vin aswè a e ke L geri malad yo, ke L sove moun ki pèdi yo. Nou mande I nan Non Jezi. Amèn.

105 M pral fè on konparezon avèk Bondye, pou nou pa mele nan sa mwen di jodi a; Bondye se yon gwo Dyaman, Etènèl la.

E lè on dyaman retire nan wòche ble ki an Afrik, mwen te ale nan min yo e mwen te obsève yo nan gran...kijan yo trete yo pou ekstrè dyaman an, kijan yo pase yo nan machin ki kraze yo, pou retire gwo dyaman dife ble yo, ak dyaman nwa yo. Yo pa gen anpil fòm, on fòm egzak. Yo jis on gwo wòch. E, an reyalite, yo pa gen okenn dife nan yo nan moman sa a. Yo jis on dyaman, on wòch; pifò ladann, yo wonn, yo lis. Men dyaman sa a dwe koupe. Kounye a, li ilegal pou w gen youn ki pa koupe. Li dwe koupe, e apresa ou dwe gon resi kote ou te achte li, paske yo vo milyon dola.

E mwen konpare Bondye avèk dyaman sa a.

106 Kounye a, yo koupe on dyaman on fason pou I reflete sa I gen andedan, dife ki nan dyaman an. E li dwe koupe tout ti fason, chak ti fòm, twa pwen. Pran twa ang on dyaman, on limyè ki frape prism sa a, ak on baz triyangilè pral fè sèt koulè reflete, wè, li pral pwodwi sèt koulè.

107 E kounye a remake, “Bondye, se pou peche nou kifè yo te mete san L deyò konsa. Se akòz mechanste nou kifè yo te kraze L anba kou konsa.” Wè, Li te koupe,

kraze, gwo Dyaman sa a, pou ke don Li yo ka reflete nan legliz la atravè Li menm.

E se pa limyè a; paske, limyè a dwe retire kò l, lè solèy la pa klere l ankò, e retounen kote l te koupe.

Men chak ti fragman ki soti de ekla sa a pa detwi; li pral itil. Anpil nan yo sèvi pou fè zegwi Victrola. E zegwi sa yo, ki fèt ak ekla dyaman, yo pwodwi mizik la ki te anrejistre sou on disk.

108 M espere ke nou konprann sa m vle di. Ekla ki vin de Kris la, don ki vin de Kris la, ki plase nan Bib la, li anonse kwayan an, mistè kache Bondye yo. Li konnen sekrè ki nan kè a. Li konn chak moun. Èske nou kwè sa?

Se pa dyaman an ki pral di: “Ou wè sa mwen ye?” Se de la ke li vini. Dyaman an son dyaman paske li detache l de yon dyaman.

109 E se konsa don Lespri a ye, on... pou moun lan, li on pati de Dyaman sa a. Li te voye, li desann e li vini sou fòm don entèpretasyon, predikasyon, ansèyman. Gen senk don espirityèl; apot, pwofèt, doktè, pastè, evanjelis, e yo tout sèvi a edifikasyon Kò Kris la. E osi

sèten ke gen doktè, pastè, dwe gen pwofèt. Nou konn sa.

110 E nou kwè ke Bondye dwe manifeste nan dènye jou a, nan mitan pèp Li, a Semans eli a, dapre Bib la, sou fòm on pwofèt. Sa se egzakteman ak Pawòl la. Se pa ke nonm lan se Bondye, men ke don an se Bondye. Wè? E sa se zegwi la.

Kounye a, on epeng pap jwe disk sa a kòrèkteman. On zegwi òdinè pou koud pap fè l jwe kòrèkteman. Men on dyaman, se meyè bagay la. On zegwi avèk on pwent dyaman, fè l soti klè.

111 Se pou Bondye, aswè a... se pou disk lavi w, kèlkeswa sa ki pa bon lakay ou, kèlkeswa sa w dezire de Bondye, se pou gran Mèt la ki kenbe zegwi la nan men Li, se pou L poze l sou vi w e revele nou poukisa nou la a; kisa nou vle; alò nap konnen ke Li la a.

112 Papa nou ki nan Syèl la, èske Ou ka akòne nou li anvan ke mwen kòmanse liy priyè sa a, se pat entansyon mwen pou m te fè sa a, men èske Ou ka akòde nou li, pou moun yo konnen. Petèt ke gen etranje isit la pou ki nou dwe priye. M pa konnen yo, men Ou

kommen yo. E Pòl te di: “Si ou pale an lang, e pa gen entèpretasyon oubyen ou pa bay okenn edifikasyon, moun yo pral di ke ou fou. Men si on moun pwofetize e li revele sa ki nan kè a; alò yap di: ‘An verite, Bondye avè w”. Akòde l ankò, Bondye, nan fen lè sa a. Ou te pwomèt li, e se konsa lap ye. Nan Non Jezikri. Amèn.

113 Kounye a mwen mande m konbyen malad ki isit la aswè a, ki la a? Oswa èske Billy bay priyè...? Èske yo te bay kat priyè? [Frè a reponn: “Wi.”-Ed.] Genyen. Eben, m sipoze ke chak moun ki malad gon kat priyè, men mwen pa konn kisa nou ekri sou li. M panse ke li jis bannou on kat; nou ekri sa nou vle sou li. Se sa? Nou jis gen kat la; Nou mete sou li sa nou vle.

114 M pa kunnen nou. Konbyen isit la ki kunnen ke mwen pa kunnen nou, e poutan nou malad e nou te ka di sa a: “Sa mwen tandé ou di jodi a, ‘Bondye ki dèyè po. Bondye ki dèyè po imen, kap vwale tèt Li’”? Men si nou gen je espirityèl, nou ka ouvri yo e nou ka wè Li, wè kiyès Li ye. E nou kwè sa. Jezi di: “Moun ki mete konfyans li nan mwen, li gen pou l fè tou sa Map fè a; La menm rive fè pi gwo bagay toujou, paske mwen pral jwenn Papa a.” Kounye a, si nou kwè ak tout kè nou!

115 Konbyen isit la ki malad, e ki konnen ke mwen pa konnen nou, ke m pa konnen kisa ki pa ale lakay nou? Jis leve men nou, di: "Mwen malad. Mwen gen bezwen." Konbyen ki gen dezi nan kè yo, ki pa malad, men ki gen dezi? Nou konn sa m...Trè byen. Pa gon sèl moun, ke mwen wè, ki pa leve men l. Kounye a, mwen pa konnen...

116 M konnen moun sa a ki chita la a. M si ke se Frè James, e m panse ke se Sè James. Frè Ben, mwen konnen. Jis figi nou, gendelè; frè a ki pran foto yo. Men...

Ke on moun la dèyè a, nenpòt kote, jis... mwen-mwen-mwen lanse on defi, sou baz Mesaj sa a, kòm map fini.

117 Èske nou konnen ke Bondye te pwomèt ke sa ta pral fèt nan dènye jou yo? Li te fè pwomès la. Wè? Kounye a, m pa ka fè sa rive. Wè, mwen-m pa ka fè sa. Se Li menm ki dwe fè l. Se Li menm ki fè l; pa mwen. Men mwen kwè nan Li, sinon mwen pa tap la a, ap di nou on bagay ke m pa kwè. Kounye a, priye, epi di, "Seyè Jezi, Bib la anseye m ke Ou son Granprèt nan

moman sa a, ki kapab soufri ak nou nan feblès nou". M pa bezwen konnen kote nou ye. E jis di: "Mwen kwè W. Epi, pa lafwa, mwen kwè sa nonm sa a di jodi a."

118 Se sa Anj lan te di m: "Fè moun yo kwè w". E si se Pawòl Bondye ke mwen anonse, se pa "pou nou kwè m", se "kwè Pawòl la".

Si li pa dapre Pawòl la, alò pa kwè li. Men si ou kwè ke se Pawòl la, alò, kèlkeswa sa l ye, ou priye epi ou kwè, epi ou gade si Li toujou ka revele sa ki nan kè w.

119 E nenpòt kiyès konnen ke Bib la di: "Pawòl Bondye pi file pase kouto de bò, e Li koupe jouk li jwenn kote nanm ak lespri moun fè yonn, jouk kote vyann ak mwèl zo kontre. Li jije tout santiman ak tout lide ki nan kè moun."

Se konsa ke Abraram te konnen ke se te Bondye, lè Li te ka di sa Sara tap di nan tant lan, sa l tap panse; lè l te di: "M pral vizite w," e Sara te panse nan kè l: "Li pa posib."

120 Kounye a, mwen di ke Li isit la pou geri w. Kisa ou panse de sa? Si sèlman ou ka kwè! Kounye a, mwen pa kapab, m pa gen fason ki si; Papa ki nan Syèl la

kennen. Wè? Mwen jis bezwen wè l. E sa mwen wè a, mwen di l; e sa mwen-m pa wè, evidaman, m pa ka di l. Men se Bondye pi rèd! Èske sa ta ogmante lafwa w, si L ta fè l?

Pou preche konsa, sa on ti jan destabilize m. Men Li la a. Mwen konsyan de sa.

121 M tap swiv on moun ki te bese tèt li, jis dèyè a la a. Madanm li tou pre li, lap priye, li menm tou. Jis la a. Ou gon bagay sou kè w. Madanm ou ap priye. Ou gon fado sou kè w. Se pou bèlmè w. Se vre. Èske ou kwè ke Bondye ka di m, kisa ki pa ale ak bèlmè w? M pa konnen w. Nou se etranje youn lòt. Alò se vre? Èske ou kwè ke Bondye ka di m kisa pa ale avè l? Li pa isit. M wè on gwo distans; li a lès de isi a. Li an Ohio. Se vre. Li soufri on maladi san. Mande madanm ou pou pran moucha sa a, kote lap kriye a, epi poze l sou li. Pa doute; li pral refe. Èske ou kwè sa?

122 Men on ti dam ki chita la a jis devan mwen. Lap kriye. Gon bagay ki pa ale ak timoun lan, m pa konnen... Non, pa gen anyen ki mal. Li jis gon dezi. Li dezire resewva batèm Sentespri a. Sa se ENSI DI SEYÈ

A. Kwè, ptit mwen, ou pral resewwa L. Se vre. Sitou, pa doute.

123 Men on dam ki chita la a, nan fen ranje a. Lap priye. M son etranje pou li, men li kouvri ak on lonbraj. Ou te gen dè operasyon. M sipoze, ke nou se etranje youn lòt. M pa konnen w. Ou pa konnen m, jis petèt ou tande pale de mwen. Ou pa moun isit. Ou son etranje nan mitan nou. Ou sot Wisconsin. Vil la se Milwaukee. E pwoblèm ou se kansè; li sou tete w. Operasyon apre operasyon, men san siksè. Kite lafwa sa a, ki te manyen bò rad Li, kwè sa kounye a. Fè l antre nan kè w; lap akonpli. Gen lafwa!

124 Yon mesye ki chita bò isi a nan kwen an. L ap priye pou manman l. Li s on etranje pou mwen. M pa konnen l. Men l ap priye pou manman l. E manman l gen menm bagay ke fanm sa a genyen, kansè. Oswa, li pè sa, ke se sa l ye. G on mesye w ap priye pou li, e mesye sa gen pwoblèm ak do l. Li se, tou, m wè l entoksike. Li s on alkolik. Frè w. Ou pa moun isi a. Ou sot Illinois. Ou kwè Bondye ka di m non w? Farmer. Èske se vre? Leve men w. Kwè!

125 G on moun ki ajenou sou on moun, k ap priye, yon moun ki lonje sou on branka. Trè byen. Èske w kwè sa w tandé an, ke se Laverite, madam? Ou kwè. Si m te ka geri w, m t ap vin fè l. Men ou déjà geri pa Kris, ou wè. Ou jis dwe kwè l. Dam sa a ki kanpe isi a, ap priye, t ap priye pou yo te touche w. M pa konnen w, men Bondye konnen w. Ou sot andeyò vil lan, tou. Se vre. Ou sot Illinois. Se egzakteman. Vil lan rele East Moline, Illinois [Sè an di: "Se vil kote m te fèt la."—Editè a.] Ou soufri ak kansè. Ou s on madan pastè. Èske w kwè? ["Wi."] Ou pral mouri, lonje la a. Poukisa w pa asepte L aswè a, epi di: "Mwen kapab, nan kè m, ak lafwa m ki anlè tout bagay ki isi an, m kwè ke m geri. Mwen nan Prezans Bondye." Leve kanpe, kwè, epi al lakay ou epi pou w geri. Men li.

Èske nou kwè ak tout kè nou? [Asanble rejwi—Editè a.] Annou louwe Bondye.

126 Papa ki nan Syèl la, nou di W mèsi pou tout bonte W ak mizèrikòd Ou. Nou di W mèsi, paske, Ou toujou isi a, dwat nan mitan tout pwoblèm sa yo. Nan mond sa a ki pèvèti, poutan Ou isi a. Kite Lespri W, Seyè, toujou rete avè nou. Nou ke W isi a, Bondye ak chè sou li, nan

kè imen yo; ap bay lafwa, ak revelasyon, ak vizyon. Ou se Bondye nan Legliz Ou, Bondye nan pèp Ou. Nou di W mèsi pou sa, Seyè. E ke tout moun kwè, aswè a, ak yon sèl akò, e ke yo geri. Nan Non Jezikri, m priye. Amèn.

127 Konbyen moun bò isi a ki gen kat pou lapriyè, sou bò *sa a*? Kite sila yo ki sou bò *sa a*, deplase al dèyè, vini dwat nan mitan ale *sa a*. Sila yo ki nan ale *sa a*, soti dwat nan direksyon *sa a*, jis pran plas nou, soti dwa nan direksyon *sa a*. Kite sila yo, osito yo fini, liy *sa a* pran bò *sa a*.

128 Ansyen yo vin isi a. Frè Roy, Seyè a beni w; pat konnen w te chita la a. M vle dyak legliz lan isi a imedyatman, si yo ka antre nan nenpòt kote yo ye a. Vin isi a pou on ti èd.

M vle pou chak moun yo pral priye pou li, leve men I anlè, di *sa a* dèyè m.

Seyè, [Asanble di: “Seyè.”—Editè a.] Mwen kwè. [“Mwen kwè.”] Se pou W ede enkridilite mwen. [“Se pou W ede enkredilite mwen.”] Mwen kwè [“Mwen kwè”] ke nan Prezans Ou, [“ke nan Prezans Ou,”] antan m ap

swiv Pawòl Ou, [“antan m ap swiv Pawòl Ou,”] epi pa m...men yo poze sou mwen aswè an, [“epi men yo poze sou mwen aswè an,”] m pral asepte gerizon m, [“m pral asepte gerizon m,”] nan Non Jezi. [“Nan Non Jezi.”] Amèn. [“Amèn.”] Bondye beni nou.

129 Kounye a gade. “Priyè lafwa a va sove malad yo. Si yo poze mwen yo sou malad yo, yo va refè.” Li te di Noye lapli ta pral tonbe. Li janm-Li janm...M pat janm di: “Osito ke-ke yo priye pou ou, ou pral geri.” Li te di: “Yo va refè.”

130 Li te di Noye lapli ta pral tonbe. Lapli pat janm tonbe pandan sanventan, men lapli te tonbe.

Te di Abraham li ta pral g on bebe pa Sarah. Sa pat janm rive pandan vennsenk an, men li te genyen l.

Te di Ezayi yon vyèj ta pral ansent. Sa pat janm rive pandan uisan zan, men li te ansent.

Èske se vre? Li te pwomèt sa! Sa pa enpòtan konbyen tan sa pran, Li fè l, tout jan. Nou kwè sa.

131 Avanse kounye a. Kite Frè Capps kondwi chan an. Fè moun a kat yo avanse? Kounye a ke tout moun ap priye kounye a.

132 Papa nou ki nan Syèl la, nou pral obeyi kèmandman W pa poze men sou moun malad sa yo. M pa konn on sèl lòt bagay Ou te ka fè, Seyè, paske W te di, nan Pawòl Ou, Ou te achte gerizon yo. Ou te pwouve ke W isi a avè nou aswè a, Pawòl ki ka disène panse ki nan kè a. Ou te pwouve sa, ke W nan mitan nou. E m priye, W, Papa, ke Pawòl Ou, ki pa ka echwe, ap fèt sitèlman reyèl pou chak kè! Ke W te di: “Si nou ka kwè sa; pa doute, men kwè l; di mòn sa a: ‘Deplase,’ epi pa doute, men kwè ke sa pral rive!” Li pat di kilè.

133 Ou te di moun yo, nan Pannkot, pou monte la a epi tann. Ou pat janm di lè, jou; Ou te di: “jouk tan.” Kounye a y ap vin asepte gerizon yo. Ke yo pa janm panse a anyen lòt ke yo geri, jouk delivrans lan vini. Nou obeyi W pa poze men, sou yo, antanke kwayan. Nan Non Jezikri. Amèn.

134 Trè byen, vini dwat kounye a. [Frè Branham ak frè yo poze men sou moun yo, epi priye pou chak moun

nan liy priyè a. Pati blanch sou kasèt—Editè a.] Ou geri. Bondye beni w. Ale dwat. Se byen!...?...[Pati blanch sou kasèt.]

Tout bagay posib, kwè sèlman;

Kwè sèlman, kwè sèlman,

Tout...

Seyè Jezi, m priye pou mouchwa sa yo kounye a,
nan Non Jezikri. Amèn.

Mande m si nou te ka chanje pawòl sa yo:

Kounye a mwen kwè, se kounye a mwen kwè,

Tout bagay posib, kounye a mwen kwè;

Kounye a mwen kwè, kounye a mwen kwè,

Tout bagay posib, kounye a mwen kwè.

135 Èske n kwè ke sa k te mande ak sa k te dezire va akòde? [Asanble di: “Amèn.”—Editè a.] Sa va rive.

136 M te wè, k ap pase nan liy lan sa fè kèk moman, kèk nan zanmi Italyen m yo ki sot Chicago. Konbyen moun ki konn Sè Bottazzi ki sot Chicago? Ebyen, nou konnen, li te g on-on depresyon mental, nan nè, tou

dènyèman, trè, trè mal. Men nan maten nan Chicago nan dejene Biznismen Kretyen yo, m te di sè a, anba enspirasyon Sentespri an. Li tounen sou on bò, epi l te jis pat ka kenbe kò l. Epi m te di: "Sè, ou pap refè ak sa a touswit, men ou pral geri." M te di: "Sa pral oswa dizui mwa, oswa dezan, dwat nan entèval sa a ou pral geri."

137 Lòt jou an pandan m ap pale avè l...M te tande l ap temwaye, sitèlman kontan, pi kontan ke l te janm ye nan tout vi l. Li t ap kondwi on machin. Li pat gen lapè, Prezans Bondye te sanble L te pati kite l; byensi, se te nè mental, nou konnen; epi toudenkou sa retounen ak yon gwo debòdman lajwa, epi pwisans Sentespri an te sou li. Li te kriye, li te kriye, li-li te gen... Yo te jis g on bon moman, apeprè twa oswa kat semèn de sa, oswa on mwa. Epi m te tande l ki temwaye, avan dènye dimanch, epi l te di: "Frè Branham, lè m te tounen, m te make epi m te pran kasèt sa a. E se te egzakteman dizui mwa, jou pou jou." Amèn.

Èske n renmen Li? [Asanble di: "Amèn."—Editè a.]

Èske L pa mèveye? ["Amèn."]

138 Kounye a, menm Sentespri an ki ka predi egzakteman, san manke yon fwa, tout lane sa yo; e, atravè Pawòl Li, te eseye dekouvri l pou nou jodi a ke Bondye pa kèk objè lwen nèt oswa yon bagay istorik. Li s on tan vivan, prezan, Pawòl Li ki manifeste. Te kache Tèt Li nan vwal imen, nan Legliz Li, ap revele Tèt Li pa lafwa nou ak lafwa mwen, ansanm, ap vin ansanm, ap fè inite Bondye an. M pa ka fè anyen san nou; nou pa ka fè anyen san mwen; nitou m pa ka fè anyen san Bondye. Kidonk, ansanm li fè inite a, koneksyon an. Bondye te voye m pou objektif lan; nou kwè li; epi men l rive. Se jis sa, ou wè, te konfime pafètman.

M pa bezwen konnen kisa k pa bon avè nou, kisa nenpòt moun te di; si, nan kè nou, nou kwè ke nou pral geri, pa g anyen ki ka janm kanpe l. Li te di sa. Epi L te di: "Syèl ak latè ap pase, men Pawòl Mwen pap echwe." Èske n kwè sa? [Asanble di: "Amèn."—Editè a.]

139 Konbyen moun ki pral priye pou mwen nan lòt reyinyon antan m ale? [Asanble di: "Amèn."—Editè a.] M se youn ki bezwen priyè. Ou wè? Tout moun te rejte m, ou wè, esepte noumenm, e poutan gen Semans deyò la a.

140 M te voye yon lèt nan Afrik di Sid. Yo pa tap kite m antre sòf si m tap siyen on paye ke M “tap batize, sou bò sa a, tout moun twa fwa; yon fwa pou Papa a, epi yon fwa pou Pitit la, epi Sentespri an, fas sou devan. Sou lòt bò a, m tap batize pa dèyè, youn pou Papa a...Epi anseye ke se te Doktrin.”

M te ekri yo on lèt. M te di: “Sentespri a tap eseye, pandan dènye kèk lane yo, pou fè m vin an Afrik ankò. Li vle sèvi a ministè m lan la a kote trant mil asepte Kris nan yon sèl aprèmidi. “ M te di: “Sonje, san nanm sa yo sou nou, pa sou mwen. M te ofri pou m vini, men nou pap vle fè l.”

M mande m kisa sa pral ye nan jou sa a lè yo te repouse Jezi, Pitit Bondye a, sot nan legliz lan, Pawòl lan ki rejte? Men nan-nan tout sa, Li toujou ap fè pèp Li konnen L. Èske nou pa rekonesan pou sa? [Asanble di: “Amèn.”—Editè a.]

141 E m te pase devan an, aswè an, mete men m sou yo, kèk fam ki gen laj, kèk jenn, kèk granmoun, kèk jenn mesye, mesye gramoun, jis benyen an tranc menm jan avè m. M te panse: “Chita la a, chita la a ap koute

Pawòl la ke rès mond lan panse se foli." Ou wè? Yo se-yo se boulon an. Ou wè, Bondye isi a pou file I monte, rale nou dwat sot nan maladi nou. Son pwomès Pawòl lan. Jis sonje, I ap kòmanse sere: "M ap rale yo; si yo leve M monte, M ap rale yo." L ap rale I sot nan nou. L ap fè I sèten. Jis kwè Li, gen lafwa nan Li. Pa doute de Li. Kwè Li.

142 Priye pou mwen. Lè n pa gen pyès lòt moun pou n priye pou yo, jis sonje m.

Epi apre jouk nou rankontre ankò! jouk nou rankontre!

Jouk nou rakontre..

Mèsi poutèt nou fè trajè long sa yo. Bondye pwoteje nou antan n pral lakay nou!

Jouk nou...

Salye tout Kretyen yo, salye yo, pou gwoup sa a isi an. Lapè Bondye sou nou! Chalòm!

Se pou Bondye avè nou jouk nou rankontre ankò!

[Frè Branham kòmanse fredone *Se Pou Bondye Avè Nou—Editè a.*]

...jouk nou rankontre!

...nan pye Jezi;

Jouk nou rankontre! jouk nou rankonte!

Se pou Bondye avè nou jouk nou rankontre
ankò!

143 M sitèlman kontan. Nou wè, gen kèk, anpil bagay m pa konnen, men gen kèk bagay mwen konnen. M sitèlman rekonesan pou nou. M sitèlman kontan pou m asosye avè nou. M sitèlman kontan pou m se youn nan nou. Se pou Bondye avè nou. L ap avè nou. Li pap janm kite nou. Li pap janm abandone nou. Li pap janm kite nou. Nou fin pèse vwal la kounye a. Ou wè?

144 Sitèlman kontan aswè a pou wè Frè Palmer, youn nan pastè asosye nou bò isi a, sot Georgia. Frè Junior Jackson nan bildin la yon kote, tounen nan kwen an, nou kontan pou n genyen I. Frè Don Ruddell ki chita bò isi a. O, sitèlman anpil! M pa konnen, si m rate on moun...Frè Ben Bryant isi a, epi anpil nan lòt yo isi a, frè debyen, Willard Collins. Nou sitèlman kontan genyen nou tout isi a.

M mande m si nou ta jis kanpe sou pye nou, jis on moman kounye a. Ann koube tèt nou kounye a.

Jouk nou rankontre!

Jouk nou rankontre nan pye Jezi; jouk nou rankontre!

...jouk nou rankontre!

Bondye avè nou jouk nou rankontre ankò.

145 Nou santi rapwochman kominyon sa a ak Lespri an?

Ann fredone I. [Frè Branham ak asanble an kòmanse ap fredone *Bondye Avè Nou*—Editè a.]

M te remake Frè McKinney, sot Ohio, avè nou. Frè John Martin ak frè I. Sitèlman kontan gen nou tout. M te ka pa menm wè nou, frè. Li konnen nou.

Jouk nou rankontre! Ke kè m avèk pa nou, ak kè Bondye, fè yon sèl jouk nou rankontre! [Frè Branham ak asanble kontinye ap fredone *Bondye Avè Nou*—Editè a.]

(M ta renmen mande yon moun pou klotire...?...)

Pandan nou bese tèt nou kounye a nan lapriyè.

146 Eseye kite chak minis konnen ke nou kontan pou yo isi a, tout layik yo, noumenm moun Tenesse, Ohio, ak atravè peyi an. Kèk medam m te rankontre lòtbò la a jodi a, ale nèt sot Boston. Frè nwa nou yo te isi a, maten an, sot anwo anndan la a tou. Sitèlman anpil ki sot nan diferan pati nan peyi an; m di nou mèsi, chè zanmi Iwayal mwen. Bondye avè nou. Mwen rele nou zanmi m. Sonje kisa Jezi te di sou sa? “Menm pi pwòch pase on frè,” ya, yon zanmi. Pandan nou bese tèt nou kounye a...Jouk nou rive rankontre ankò nan kèk jou k ap vini yo, Bondye avè nou.

147 M pral mande bon frè Iwayal nou, Frè Richard Blair, si I pap fè nou ale nan yon mo lapriyè. Frè Blair.